

Ҳадис 177-дарс. Исломга амал қилиш билан тарғиб қилиш



18:30 / 30.03.2022 5328

قال ابو موسى عن النبي صلى الله عليه وسلم قال يا ايها الناس ان الله يحب المتواضعين، قالوا يا رسول الله انما نحن متواضعون قال انما اتواضعوا لله ان يرفعهم له قالوا يا رسول الله انما اتواضعوا لله ان يرفعهم له قالوا يا رسول الله انما اتواضعوا لله ان يرفعهم له

Авф ибн Молик розияллоху анхудан ривоят қилинади:

«Набий соллаллоху алайҳи васаллам: «Одамларга фақат амир ёки маъмур ёки риёкоргина гапиради», дедилар».

Абу Довуд ва Аҳмад ривоят ривоят қилганлар.

Бу ҳадиси шарифда мусулмон жамиятида мусулмонлар оммасига ваъз-насихат, илмий суҳбат қилиш ҳуқуқига эга бўлган ва бўлмаган кишилар ҳақида сўз кетмоқда.

Исломий жамиятда мусулмонларга Исломни яхши билган, тақводор, илмли, ақл-фаросатли ва бир қанча етук сифатларга эга бўлган ҳақийқий мусулмон киши амир бўлади.

Биринчи навбатда мусулмонларга амри маъруф, наҳйи мункар, ваъз-насиҳат қилиш ҳуқуқига ўша амир ҳақли бўлади.

Иккинчи ўринда эса маъмур – ҳақли томондан, масъул киши тарафидан шу ишга амр қилинган шахс ваъз-насиҳат қилишга ҳақли бўлади. Бундай шахслар шаръий илмларни тўлиқ ўрганиб, расмий ижозат – шаҳодатнома ёки маълум ва машҳур уламоларнинг рухсатини олган бўлиб, мусулмонларга ваъз-насиҳат, иршод, амри маъруф ва наҳйи мункар қилишлари мумкин.

Агар мазкур сифатларга эга бўлмаган кишилар бу ишни қилсалар, ўзларини билимдон кўрсатиш учун риёкорлик қилаётган бўладилар. Шу йўл билан мусулмонлар ичида обрў қозонмоқчи, уларнинг ишончига кирмоқчи бўладилар. Аслида эса алдамчилик қиладилар. Мусулмонликни қуруқ гап билан эмас, чин ихлос билан, Исломга амал қилиш билан тарғиб қилиш лозим.

Афсуски, ичимизда шу қабилдаги риёкорлар жуда ҳам кўп. Оқкўнгил мусулмонлар ҳақийқий олим ким, риёкор-қаллоб ким – буни яхши билиб олишлари керак. Бунинг учун Исломни ўрганиш, ҳақ-ноҳақ гапларни фарқлай билиш, ҳақийқий уламоларга қулоқ осиб, риёкорлардан сақланиш лозим.

«Ҳадис ва ҳаёт» китоби асосида тайёрланди